



Koj Khwv Tau Cov Nqi Ntxiv Li Cas

Muaj dabtsi nyob sab hauv

Koj tsim nyog muaj npe txais cov txiaj ntsim kev pab Xaus Saus yog tias koj khwv tau cov nqi ntxiv Xaus Saus thaum uas koj ua haujlwm rau ib txoj haujlwm thiab them cov se Xaus Saus.

1

Cov kev cai tswj tshwj xeeb rau ib txhia haujlwm

1

Koj yuav ua haujlwm ntev npaum li cas koj thiaj li tsim nyog muaj npe txais Xaus Saus

2

Tsis yog txhua txhua hom haujlwm yuav muab xam mus rau cob txiaj ntsim kev pab Xaus Saus.

4

Nco ntsoov tias kom koj cov ntaub ntawv teev tseg yog ib co meej tseeb

4

Tiv Tauj Xaus Saus

4

Koj tsim nyog muaj npe txais cov txiaj ntsim kev pab Xaus Saus yog tias koj khwv tau cov nqi ntxiv Xaus Saus thaum uas koj ua haujlwm rau ib txoj haujlwm thiab them cov se Xaus Saus.

Cov nqi ntxiv yog ua raws li ntawm qhov nyiaj khwv tau los npaum li cas. Peb siv koj cov kev ua haujlwm yav tag los txiaj txim saib koj puas tsim nyog muaj npe so haujlwm los yog tau txais cov txiaj ntsim kev peb rau cov neeg tsis taus los yog koj tsev neeg txoj kev tsim nyog muaj npe rau cov txiaj ntsim kev pab rau cov tau ua ntsuag thaum uas koj tas sim neej.

Thaum 2018, koj tau txais ib qho nqi ntxiv rau txhua txhua qhov nyiaj khwv tau los uas muaj \$1,320, txog rau qhov tsis pub tshaj plaub qhov nqi ntxiv tauj ib xyoos.

Txhua xyoo qhov nyiaj khwv tau los npaum li cas thiaj li txaus rau cov nqi ntxiv nce me ntsis raws li cov them khwv tau nyiaj nce tuaj. Cov nqi ntxiv uas koj khwv tau los yuav nyob rau hauv koj cov ntaub ntawv teev tseg Xaus Saus txawm tias koj hloov haujlwm los yog khwv tsis tau nyiaj ib ntus.

Cov kev cai tswj tshwj xeeb rau ib txhia haujlwm

Cov kev cai tswj tshwj xeeb rau kev khwv kom tau cov kev pab them Xaus Saus yuav siv tau rau ob peb hom haujlwm.

Yog tias koj yog ib tug neeg ua haujlwm rau koj tus kheej, koj khwv tau cov nqi ntxiv Xaus Saus tib txoj hauv kev li cov neeg ua haujlwm khwv tau (ib tug nqi ntxiv rau txhua txhua qhov ke khwv tau \$1,320 nyiaj nqa los tsev, tiamsis tsis pub tshaj plaub tug nqi ntxiv tauj ib xyoos). Cov kev cai tswj tshwj xeeb yuav muab siv tau yog tias koj khwv tau nyiaj nqa los tsev txhua xyoo uas yog tsawg dua \$400. Yog xav paub ntxiv, mus nyeem *If You Are Self-Employed* (Publication No. 05-10022).

Yog tias koj nyob rau hauv txoj kev ua tub rog, koj khwv tau cov nqi ntxiv Xaus Saus tib txoj hauv kev li cov neeg ua haujlwm xeeb veeb ua. Thiab tej zaum koj tau ib co nqi ntxiv nyob rau tej lub sijhawm thiab. Yog xav paub ntxiv, mus nyeem *Military Service and Social Security* (Publication No. 05-10017).

Thiab peb muaj ib co kev cai tswj tshwj xeeb hais txog tias koj yuav khwv ib co nqi ntxiv rau lwm yam haujlwm yog yuav khwv li cas. Ib txhia haujlwm ntawm yog yog—

- Ua haujlwm hauv tsev;
- Ua teb noj; los yog
- Ua haujlwm rau ib lub tsev teev ntuj los yog cov koomhaum uas lub tsev teev ntuj tswj xyuas uas tsis them cov se Xaus Saus.

Hu peb yog tias koj muaj lus nug txog hais tias koj yuav khwv cov nqi ntxiv nyob rau hauv koj txoj haujlwm yog khwv li cas.

Koj yuav ua haujlwm ntev npaum li cas koj thiaj li tsim nyog muaj npe txais Xaus Saus

Qhov kev tau cov nqi ntxiv npaum li cas es koj thiaj li tsim nyog muaj npe txais cov txiaj ntsim kev pab yog nyob ntawm koj lub hnuv nyoog thiab hom kev txiaj ntsim kev pab.

Cov txiaj ntsim kev pab so haujlwm

Ib tug neeg twg uas yug rau lub xyoo 1929 los yog tom qab ntawd yuav tsum tau ua haujlwm 10 xyoos (40 tus nqi ntxiv) mas thiaj li tsim

nyog muaj npe txais cov txiaj ntsim kev pab so haujlwm. Cov neeg uas yug ua ntej lub xyoo 1929 yuav tsum tau haujlwm tsawg xyoo dua.

Cov txiaj ntsim kev pab rau cov neeg tsis taus

Koj yuav tsum tau muaj pes tsawg tus nqi ntxiv rau cov txiaj ntsim kev pab rau cov neeg tsis taus yog nyob rau ntawm koj muaj hnuv nyoog li cas thiab thaum twg koj thiaj li tsis taus lawm.

- Yog tias koj cia li tsis taus lawm ua ntej lub hnuv nyoog 24, feem ntau koj yuav tsum tau ua 1½ xyoos haujlwm (rau tus nqi ntxiv) rau peb lub xyoos ua ntej uas koj cia li tsis taus lawm.
- Yog tias koj muaj hnuv nyoog 24 mus txog 30, feem ntau koj yuav tsum muaj cov nqi ntxiv rau ib nrab lub caij uas koj muaj hnuv nyoog 21 thiab lub caij koj cia li tsis taus lawm.
- Yog tias koj tsis taus lawm thaum koj muaj hnuv nyoog 31 xyoos los yog laus dua, feem ntau koj yuav tsum muaj qhov tsawg yog 20 tus nqi ntxiv ntawm 10 lub xyoo ua ntej kiag thaum uas koj cia li tsis taus lawm. Daim phiaj ntawv teev lus nram qab no yuav qhia ib co piv txwv hais tias koj yuav tsum muaj pes tsawg tus nqi ntxiv yog tias koj cia li tsis taus lawm rau ntawm ntau cov hnuv nyoog uas tau muab xaiv tseg uas nyias txawv nyias. Daim phiaj ntawv teev lus ntawm no yuav hais tsis ntsig txog tas nrho tej yam tshwm sim.

Tsis taus thaum lub hnuv nyoog	Cov nqi ntxiv yuav tsum muaj	Cov xyoo ua haujlwm
31 txog 42	20	5
44	22	5 ½
46	24	6
48	26	6 ½
50	28	7
52	30	7 ½
54	32	8
56	34	8 ½
58	36	9
60	38	9 ½
62 xyoos los yog laus dua	40	10

Cov txiaj ntsim kev pab rau cov tau ua ntsuag

Thaum ib tug neeg uas tau ua haujlwm thiab them cov se Xaus Saus tau tas sim neej lawm, ib txhia neeg hauv nws tsev neeg yuav tsum nyog muaj npe tau txais cov txiaj ntsim kev pab rau cov tau ua ntsuag. Yuav tsum muaj txog rau kev tau ua haujlwm 10 lub xyoo mas thiaj li tsum nyog muaj npe tau txais cov txiaj ntsim kev pab, nyob ntawm tus neeg lub hnuv nyoog thaum lub sijhawm nws tas sim neej. Cov neeg tau ua ntsuag rau cov neeg ua haujlwm uas tseem hluav heev tej zaum yuav tsum nyog muaj npe txais cov txiaj ntsim kev pab yog tias tus neeg ua haujlwm uas tau tas sim neej tau ua haujlwm li 1½ xyoo ntawm peb lub xyoo ua ntej nws txoj kev tas sim neej.

Cov txiaj ntsim kev pab Xaus Saus rau cov neeg tau ua ntsuag muab them los tau mus rau:

- Ib tug neeg uas tau ua ntsuag los yog tus uas tsis muaj txwj khub nkawm—tas nrho cov txiaj ntsim kev pab thaum uas nws puv lub hnuv nyoog so haujlwm, los yog cov txiaj ntsim kev pab uas raug muab txo qhov ntxov tshaj yog lub hnuv nyoog 60 xyoo.
- Ib tug neeg uas tau ua ntsuag los yog tus uas tsis muaj txwj khub nkawm uas tsis taus lawm—qhov ntxov tshaj yog lub hnuv nyoog 60 xyoo.

- Ib tug neeg uas tau ua ntsuag los yog tus uas tsis muaj txwj khub nkawm uas muaj hnuv nyoog li cas los xij uas tu ib tug neeg tas sim neej tus menyuam uas yau dua lub hnuv nyoog 16 xyoo los yog tus uas tsis taus, thiab tug uas tau txais cov txiaj ntsim kev pab Xaus Saus.
- Cov txwj khub nkawm uas tau sib nrauj lawm thaum tej lub sijhawm;
- Cov menyuam uas tsis tau sib yuav uas hluas dua lub hnuv nyoog 18 xyoo, los yog txog rau lub hnuv nyoog 19 xyoos yog tias lawv tseem kawm ntawv qib ntawv qis los yog kawm qib nrab uas yog kawm tas hnuv. Nyob rau tej lub sijhawm, yuav them cov txiaj ntsim kev pab rau cov menyuam tsis yog nws yug, cov xeeb ntxwv los yog cov menyuam yuav los tu los tau;
- Cov menyuam uas twb tsis taus ua ntej lub hnuv nyoog 22 xyoos thiab tseem tsis taus li qub; los yog
- Cov niam txiv uas tsis muaj menyuam uas muaj hnuv nyoog 22 xyoos los yog laus dua.

Tiv tauj peb yog tias koj xav tau ib co ntsiab lus ntxiv hais txog koj tsev neeg qhov kev tshwm sim.

Medicare

Cov nqi ntxiv Xaus Saus uas koj khwv tau yuav muab xam mus rau txoj kev tsum nyog muaj npe txais Medicare thaum uas koj ncav cuag lub hnuv nyoog 65 xyoos thiab. Tej zaum koj yuav tsum nyog muaj npe txais Medicare rau lub hnuv nyoog ntxov dua yog tias koj tau txais cov txiaj ntsim kev pab rau cov neeg tsis taus li ntawm 24 lub hlis los yog tshaj ntawd. Cov neeg uas muaj tus mob raum tsis zoo los yog tau txais cov txiaj ntsim kev pab rau cov neeg tsis taus vim yog kev mob leeg tsis muaj zog (Lou Gehrig’s disease) tsis tas yuav tos 24 lub hlis li mam tau txais kev pab them kev kho mob Medicare. Tej zaum koj cov menyuam thiab cov neeg uas tau ua ntsuag yuav tau tsum nyog muaj npe txais Medicare thaum lub hnuv nyoog 65 xyoos los yog ntxov dua ntawd yog tias lawv tsis taus lawm. Cov neeg uas muaj tus mob raum tsis zoo los yog

yuav tsum tau lim ntshav los yog hloov raum tej zaum yuav tsum nyog muaj npe txais Medicare lub hnuv nyoog twg los tau nyob raws ntawm tus txwj khub nkawm los yog niam txiv cov nyiaj khwv tau los los yog lawv cov ntawv lawv tus kheej. Yog tias koj xav tau ib co ntsiab lus ntxiv hais txog Medicare, tiv tauj pab thiab nug txog *Medicare* (Publication No. 05-10043).

Tsis yog txhua txhua hom haujlwm yuav muab xam mus rau cob txiaj ntsim kev pab Xaus Saus.

Tsis yog tas nrho cov neeg ua haujlwm ua cov haujlwm uas muaj kev pab them Xaus Saus. Muaj ib txhia ntawm cov neeg ua haujlwm ntawm no yog:

- Feem coob cov neeg ua haujlwm rau nom tswv loj uas raug ntiav ua haujlwm ua ntej 1984 (txij thaum Lub Ib Hlis Ntuj Tim 1, 1983, tas nrho cov neeg ua haujlwm rau nom tswv loj yeej tau them feem ntawv faj seeb tsev kho mob Medicare ntawm tus lej Xaus Saus lawm);
- Cov neeg ua haujlwm rau cov tsheb nqaj hlau uas tau ua haujlwm tshaj 10 xyoo;
- Cov neeg ua haujlwm rau ntawm tej lub xeev thiab cov nom tswv hauv nroog uas xaiv tias lawv tsis koom nrog rau hauv Xaus Saus; los yog
- Cov menyuam uas hluas dua lub hnuv nyoog 21 xyoos uas tau ua haujlwm hauv tsev rau ib leej niam txiv (tsis yog hais ib tug menyuam uas muaj hnuv nyoog 18 los yog laus dua uas ua haujlwm rau niam txiv lub lag luam).

Nco ntsoov tias kom koj cov ntaub ntawv teev tseg yog ib co meej tseeb

Txhua xyoo koj lub chaw haujlwm xa ib daim ntawv luam tseg ntawm koj daim ntawv teev nyiaj W-2 (Daim Ntawv Teev Nyiaj Hli thiab Se) mus rau Xaus Saus. Xaus Saus muab koj lub npe thiab tus lej Xaus Saus nyob rau daim ntawv teev nyiaj W-2 sib piv txwv nrog rau peb cov

ntaub ntawv teev tseg. Koj cov nyiaj khwv tau los yog uas nyob rau daim ntawv teev nyiaj W-2 yeej tau muab zwm tseg rau koj cov ntaub ntawv teev koj cov nyiaj khwv tau los ntawm lub neej. Koj cov ntaub ntawv teev koj cov nyiaj khwv tau los ntawm lub neeg yog ib yam uas peb siv los mus laij hais tias saib koj puas yuav tau txais cov txiaj ntsim kev pab yav pem suab thiab saib koj tau pes tsawg.

Koj lub npe thiab tus lej Xaus Saus nyob rau koj daim npav Xaus Saus sib yuav tsum zoo sib thooj nrog rau koj lub chaw haujlwm cov ntaub ntawv them nyiaj hli thiab daim ntawv teev nyiaj W-2. Tiv thaiv koj cov txiaj ntsim kev pab rau yav tom ntej yog saib kom meej tias ob co ntaub ntawv khaws tseg yuav tsum meej tseeb tibsi. Qhia rau koj lub chaw haujlwm paub yog tias koj tus lej Xaus Saus tsis yog nyob rau lub chaw haujlwm cov ntaub ntawv teev tseg. Yog tias koj daim npav Xaus Saus tsis yog lawm, tiv tauj ib lub chaw khiav haujlwm Xaus Saus twg los tau.

Tiv Tauj Xaus Saus

Muaj ntau txoj kev tiv tauj Xaus Saus, tsis hais hauv Internet, hu xov tooj, thiab tuaj tim ntsej tim muag. Peb nyob ntawm no teb koj cov lus noog thiab pab ua haujlwm rau koj. Ntau tshaj li 80 xyoo los lawm, Xaus Saus yeej tau pab tuav tswj khov lub neej hnuv no thiab tag kis mus los ntawm txoj kev pab txiaj ntsim kev pab thiab kev tiv thaiv kev siv nyiaj txiag rau tsheej laab tus tib neeg thooj plaws rau lawv txoj kev taug ua lub neej.

Mus saib peb lub vas sab

Txoj hauv kev yooj yim tshaj plaws rau koj mus khiav haujlwm nrog rau Xaus Saus nyob rau lub chaw twg los tau, ces yog mus saib **www.socialsecurity.gov**. Nyob rau ntawd, koj muaj feem ua tau:

- Tsim ib lub *my* Social Security lub chaw cia nyiaj los mus saib xyuas koj *Social Security Statement (Daim Ntawv Teev Nyiaj Xaus Saus)*, teev meej cov nyiaj koj khwv tau los, luam ib tsab ntawv teev meej koj nyiaj pab thaum laus, hloov koj cov nyiaj

koj tso ncaj qha rau hauv, thov ib daim npav Medicare tshiab, mus muab daim ntawv SSA-1099/1042S hloov tshiab, thiab ntau yam ntxiv;

- Ua ntawv thov Kev Pab Ntxiv (Extra Help) rau cov nuj nqis them tshuaj Medicare;
- Ua ntawv thov cov txiaj ntsim kev pab rau thaum laus so haujlwm, muaj mob lub cev tsis taus, thiab ntawv kho mob Medicare;
- Mus nrhiav saib peb cov ntawv luam tseg;
- Mus muab cov lus teb rau tej yam lus tig neeg nquag noog heev; thiab
- Ntau yam tshaj ntxiv!

Tej yam ntawm cov kev pab cuam ntawm no yog tsuas muaj muab hais ua lus Askiv nkaus xwb. Mus saib peb lub chaw Multilanguage Gateway yog xav paub ntxiv uas yog muab hais ua hom lus Hmoob. Peb yuav muab cov kev pab txhais lus pub dawb los pab koj khiav haujlwm nrog rau Xaus Saus. Cov kev pab txhais lus yog muaj rau koj siv tab txawm koj nrog peb tham hauv xov tooj los yog nyob rau hauv Xaus Saus lub chaw ua haujlwm.

Hu peb

Yog tias koj tsis muaj kev nkag mus siv Internet, peb muaj ntau txoj kev pab tamsim ntawd uas yog siv xov tooj, 24 teev tauj ib hnuv, 7 hnuv tauj ib asthiv. Hu rau peb tus xov tooj hu dawb ntawm **1-800-772-1213** los yog peb tus xov tooj TTY, **1-800-325-0778**, yog hais tias koj lag ntseg los yog hnov lus tsis zoo.

Yog tias koj xav hais lus nrog ib tug neeg, peb tau koj tsab xov tooj thaum 7 teev sawv ntxov mus txog rau 7 teev tsaus ntuj, Hnuv Vas Cas mus txog rau Hnuv Vas Xuv. Peb thov koj ua siab ntev thaum cov sijhawm peb tsis xyeej vim hais tias tej zaum koj yuav hnov lub tswb xov tooj hais tias peb tsis tau khoom teb ntau tshaj

thiab yuav tau tos ntev dua lim mam tau nrog peb tham. Peb tos ntsoov yuav pab ua haujlwm rau koj.



Securing today
and tomorrow

Social Security Administration
Publication No. 05-10072-HM | January 2018
Koj Khwv Tau Cov Nqi Ntxiv Li Cas
How You Earn Credits 2018 (Hmong)

Produced and published at U.S. taxpayer expense

Tsim los thiab muab luam tawm los ntawm cov se uas tus Neeg Asmeskas them se rau